

摘藻堂四庫全書薈要

集部

欽定四庫全書薈要卷一萬九千四百七十七

集部

皇清文頴卷七十六

詩

七言律詩

滇南蕩平恭紀六首

有序

高士奇

康熙二十年十一月十三日夜滇南奏捷

臣士奇

謹同學士臣英至

乾清宮

御榻前叩首稱賀

皇上天顏欣暢諭臣等曰朕仰邀

天眷四方大定今日誠為天下社稷而喜但念用兵八年道路轉輸黎民困苦又復惻然於衷大哉

王言當乾坤再造慶出非常之時尚以一夫不獲為念此

皇上好生之德上感天心式開億萬年無窮之太平也  
臣在光天化日之下愛戴難名既撰

聖德神武頌奉揚鴻業拊舞之私有所未盡更賦七言  
近體六章并呈

御覽雖巍巍蕩蕩莫罄萬一而朱鷺之奏康衢之謠均  
有所不能已爾

葭飛玉管一陽回快聽天南捷奏來魚鑰特傳宵禁啟  
見鐘催動曙光開萬年元會占庥厯六宇清寧本

睿裁孝慰

兩宮情備洽懽生殿陛響春雷

百道軍符赤羽飛同時閩粵載

天威鯨山甲帳先輸欵珠水樓船又解圍破竹已知長  
策在投鞭旋報凱聲歸頻年戍鼓依楊柳六月還須奏  
采薇

凝笳疊鼓刻孤城滿路壺漿市不驚梟獍已摧餘孽盡  
撓搶直掃巨妖清牂牁南去通重譯阿剌西來罷遠征  
野老扶藜歌

帝澤熙熙皞皞樂昇平

宵衣旰食切

宸衷將帥無慚授鉞隆傳檄烏蠻歸正朔勒銘鐵柱紀  
神功棠街已見誅元濟輦下喧聞殪李雄

晉李雄叛於  
寧州即今雲

南府從此

至尊南顧釋羽書不到建章宮

雙龍闕下布絲綸泰運初開宇宙新頓起瘡痍恩似海  
弘敷雨露物皆春九州治績須羣吏萬姓懽多賴  
一人省却軍供民力緩借籌不用度支頻

欣從香案侍彤雲司馬慚無諭蜀文青笮風謠時欲獻  
碧雞典禮意徒殷寰中鳳綵傳

新詔閭外龍韜策上勲珥筆但將鐃吹譜賡颺常戴  
聖明君

車駕出達希喀布齊爾口喀爾沁廓爾沁諸部落率其  
所屬伏迎道左

高士奇

直北幽崖早向誠不須更築受降城職方紀載梯航路  
王會傳呼拜舞聲紅綰邊花迎雉扇青搖巖樹轉龍旌

太平遊幸非征伐豈是元封自勒兵

五日

西苑泛舟侍宴恭紀四首

高士奇

新蒲刺刺滿瀛洲令節欣陪

聖主遊日出金支明兩岸雲移玉仗向中流嘉魚已慣  
迎仙鷁好鳥偏能識翠虬香溢堯尊傾湛露

恩深潯沆總難酬

紅嶼青林閣道重凌晨霽景散千峰

是日時  
雨初霽

牙樯錦幔



懸翔鳳水殿金鋪隱濯龍  
仗外輕陰當檻靜  
筵前積翠入杯濃  
此身疑是來天上  
瑤島風光彷彿逢

高張廣樂播南薰  
寶幄樓船劍珮分  
玉澗鳴泉雲際落  
瑤簫奏曲水中間  
槐烟密幕依巖障  
藻影紛披寫浪紋  
共喜昇平饒景象  
豈同漢武宴橫汾

仙艾靈絲傳五日  
蘭餚玉俎挹天漿  
荷浮小葉團青蓋  
榴吐新花簇絳囊  
自有輕舸爭奪錦  
不須駿馬獻穿楊

舊傳五日有過  
錦躡柳等宴

含情擬進江心鏡

唐時五日於江  
心鑄鏡呈獻

多恐

名慚鵷鷺行

恩擢翰林院侍講恭紀二首

高士奇

右銀臺路曳華裾

唐時翰林院在右銀臺門內

興慶池頭

賜直廬羽翼難同阿閣鳳飛騰早化北溟魚花開繡嶺

春隨輦月滿金鑾夜著書

李白特承恩遇著書金鑾殿

千載微臣良

際會漫勞詞賦比相如

鶯遷碧落日初升出谷鷺看

寵命膺豈有才華千尺錦直慚名姓一條水鳳書特降

綸扉誥鶴綺新頒內殿綾此際  
恩波真浩汗鼇峯頂上許先登

夏日直

西苑恭紀四首

高士奇

碧網丹甍閬苑中

六龍駐輦翠微宮雲牕近處衣常潤水檻開時楫可通  
路接三山疑泛海臺高百尺迥凌風周廬

禁衛森嚴列隱隱仙璫下遠空

輦道青莎軟作茵，叢鼓葭莢徧芳津。  
蘋灣銷夏偏宜雨，桂館招涼不受塵。  
虹跨長橋排雁齒，閣連飛宇次魚鱗。  
自疑豈是登瀛侶，珥筆叨為侍從臣。

蓬壺窈窕隔塵凡，曲渚斜開錦石晶。  
紅蓼晚涼清竹簟，綠葵晨露濕絺衫。  
游魚得水閒依荇，畫鷁迎風自引帆。  
正喜遭逢承

御幄光天未敢荷長鑒

勤政樓前幾暇時，古槐夾路影參差。  
趨

朝瑤浦呼船渡退食

天閑

賜馬騎出水蓮房初結子沈波菱葉細牽絲何須作記  
遊西苑日日螭頭一獻詩

南書房侍直詠春雪二首

高士奇

紫禁濃陰闌曉扉高空黯黯雪霏霏飄來滿地梅初落  
吹向漫天絮亂飛阿閣餘寒迷畫影遙岑積素送清暉  
年豐未報三冬瑞盈尺今看遍帝畿

乍剪輕綃灑玉塵流光淡宕總陽春  
潤添百草萌將坼融入千林葉未新  
自與冰霜同皎潔豈隨波浪作沉淪  
欣瞻

御藻歌黃竹撫景先憂及兆民

恩賜

御書千字文卷萊衣畫錦扁額恭紀六首

高士奇

絳闕巍峩霄漢間螭頭龍尾又躋攀

恩綸特自雲中沛

日馭初從河上還  
淑景融怡開

壽域晴光明媚霽

天顏回翔別苑無窮勝  
緩步仍隨供奉班

七曜奎文麗日星  
筆端造化蘊空靈  
揮來千字成俄頃  
力轉鴻鈞作典型  
遠近遭逢超載籍  
擬傳渥澤勒碑銘  
親題縑尾昭謙德  
數語真宜比聖經

回思少壯直

彤墀矢竭驅馳答

主知微效豈云勤夙夜孤踪常得託培滋蒲經秋雨摧  
何早稊被春風發已遲今日

天言憐舊事小臣感極轉增悲

三番漠北扈

龍鑣將母陳情荷

聖朝康熙三十六年臣扈從

北回

鑾後具疏陳情蒙

皇上

親平漠恩俞允

寒暑屢

移更綠鬢山林雖遠戀



丹霄傾陽葵藿心徒切抱節松筠志未銷忠孝本來無  
二事始終期不負

唐堯

十年鰥獨守荆扉母子煢煢曉夕依乞得閒身榮畫錦  
暫從野水悅春暉欣逢八表呼嵩節肅拜

重瞳覲日歸自此草堂多慶豫鄉人爭看著萊衣  
叩辭

蒲辰就征鞍欲報

恩波倍覺難頭上縱教增髮白胸中猶自耿心丹再瞻  
龍袞嗟身遠堅守魚磯保歲寒悵望觚稜幾回首摘毫  
先已淚汎瀾

恩賜杭州新貢芥茶二器恭紀

高士奇

琅函嫩碧貢雲衢嘉瑞封題第一殊

宋政和間命稱貢茶太平嘉瑞顧

渚春生白石乳香林名重紫瓊腴

浙江顧渚山香林洞產茶最佳

烹來

明月光初滿飲後清風暑却無歲歲

恩霑三百片晚甘滋味勝醍醐

辛酉二月引

見乾清門

命充日講起居注官恭紀

秦松齡

瞳矐曉色啟天闕  
玉陛傳呼侍從班  
廿載重來趨鳳沼  
三年今始識

龍顏淵衷默契圖書表  
瓊翰高懸日月間  
忝拜

新恩叅講席  
纖埃何以益丘山

夏至陪祀

方澤

施閨章

雨後仙壇碧草芳  
遙聞

玉輅出芝房  
崇墉栢帶青  
霜氣方澤波  
含明月光  
天仗旌旗嚴  
咫尺精靈岳  
瀆走蒼茫  
朝來回輦西山見  
五色晴雲接建章

曉入

西苑

施閨章

新蒲古栢曉陰陰  
太液昆明接上林  
翡翠層樓浮樹杪

芙蓉小殿出波心人歌鳬藻衣冠會水奏  
箏韶鼓吹音  
欲望

天顏真咫尺露臺迴合彩雲深

御札賜內直侍臣天花和王侍讀

施閏章

靈卉蒙將麗藻誇驚分珍饌出

天家秀疑漢殿銅池草潔比雲霄玉樹花生摘餘香如  
帶露烹來僊液勝餐霞共傳藜閣承恩重不數東陵五  
色瓜

敕賜翰詹諸詞臣鮮藕恭紀

施閏章

水殿傳呼

特賜榮詞臣拜舞集承明真從太液僊源出肯數蓮峰  
玉井生列案一蘸冰共白堆盤千片雪同清

楓宸魚藻

恩何限葵藿長懷就日情

平滇凱歌八首

陸棻

南詔昆明舊有池遠開幕府屬清時相期入殿朝三帛

金匱要略  
卷七十六  
豈意當關誓

六師鶉帝夙沙終受版熊皇指霧早懸旗蠻雲瘴草從  
風偃香栢還沾雨露施

長沙反側羽書多天與風雲壯止戈箐嶺欲遮庾嶺樹  
盤江遙蹴晉江波已傳烏石浮王郢那許花田穽尉佗  
獵罷郊原三窟盡回看免兔舞婆娑

旆旆青旌指越雋赦書終不宥鯨鯢開疆依舊通花馬  
奉使無勞祀碧雞都統印懸羅部北羽林軍返夜郎西

妖氛一著戎衣定諸葛山高息鼓聲

霜戈雪鎧渡天橋  
濺水梅花遂外飄  
石燕城邊開玉帳  
木蓮樹底建金標  
征南將令嚴無犯  
逐北軍鋒勝不驕  
熒爨彩雲重見處  
百蠻羅拜漢嫖姚

渡瀘甲騎夜投鞭  
龍虎爭如八陣堅  
盡道巴人驚草木  
肯教蒙氏領山川  
朱旗霧向苴蘭捲  
赤箭雲從石賸傳  
早識西南皆故郡  
仙槎勿復問張騫

陣雲烽火徹龍關  
計日長楊聽凱還  
壁壘精嚴連白帝



版圖遼濶隸烏蠻十行飛札標三洞一片鳴鉦響萬山  
挽盡銀河兵甲洗月明不用指刀環  
妖星一夜落寒芒共樂

天朝化日長繡面蠻丁艾紫棘花眉田女摘青桑貢琛  
土俗圖王會授鉞勲勞冊尚方

帝德照臨原自遠雕題盤齒盡梯航

葡萄江水接金城露布星飛只幾程

鑾輅乘時當講狩

鳳樓宣捷共聞鉦  
嵩呼劍珮來重譯  
樂奏簫韶合九成  
從此

宵衣垂拱治康衢  
擊壤頌昇平

瀛臺

賜宴詩四首

有序

陳維崧

粵以歲次重光支逢作鄂南薰謝令西顥乘權

皇帝方居清暑之崇臺御招涼之邃館用頒大賚載衍  
羣工若夫路入東華橋通西苑莎徧泥泥秋未露

以何晞樹只騷騷夜不風而自響霏微殘月銀弓  
猶挂於高城歷落疎星珠斗尚斜於遠岫坐平沙  
之似毯肅侯傳呼藉嫩卉以如羅遙憑宣喚赤烏  
毬躍魚鑰爭鳴丹鳳書銜龍樓早闢雞人喔喔飛  
繡鞵以遄催虎士駢駢翼珠珂而並入紅門窸窣  
水面已維青雀之艘紫掖逶遲柳絲先隱黃龍之  
舳俄傳泛艇盡許登舟斯時也太液波紅一奩靺  
鞨上林烟碧滿燈玻瓈黃頭擁畫檝以平搖長鬣

撥蘭橈而競發千衫艾葉映水蓼以彌鮮萬綬桃  
花雜風荷而倍嫵鵲鵲啞啞四圍皆王母靈禽竹  
栢微茫一片悉姮娥寶樹中流遙矚青為好時之  
田極浦凝眸黃是昭陽之瓦誰知

帝室皇居之畔別自成村未審南唐北宋之間疇工此  
畫行到瓊樓玉宇天上晴多除將鳳舄龍舩世間  
秋少爰乃停綵竿弭牙樯陟陂陀沿峭蒨屢遵輦  
路距帳殿以非遙幾折繚垣隔幔城而不遠山呼

以拜魚貫而前時則瞳矐綺旭赭袍隨繡織交輝  
赭赫彤霞

御榻屹花磚相向忽覩紛綸之狀陳於殿廡之間夫其  
疊繒成峯吹紈散霧千箱霜雪割完碧海之綃百  
篚雲霞販盡平陵之綵鶴頭綾織自

尚方局內毬路錦漂從裂帛湖旁雙心檀暈

三殿齋來五福鈿窠

九重飛下璫瓏單複擬綺毳以逾溫絳綵縱橫笑豐貂

之未煖雖使量來玉尺莫罄

恩長縱令負用銅山難勝

貺重何期畫永月墮懷中詎信秋初春還袖底擎來水  
涖鴛鴦解妬以爭啼捧向林皋孔雀生慚而輟舞  
無何而雁翅延排魚鱗幄比沙明水淨飄颺張紉  
幕三千野曠秋清重疊列華茵十二紅蘭壓架怡  
照文廊紫萼成叢偏搖黼帳銀疊告濯翠釜云調  
然而羊孺雉醢未便稱珍鴨糲雞纖何由示美即

或弋來紫鵠落雉永於雲端獵得黃獐致羶鄉於  
海上羹湘錦帶餅裏紅綾牢丸既弱似飛綿薄夜  
亦柔如積素抑猶未足以誇禁臠之甘而奪侯鯖  
之麗也翳爾臣僚夙饜江湖之味惟茲卿尹半居  
魚稻之鄉儻遂庖虛魴鯉曷用為歡若其俎乏鱠  
魴安能取飫敵師芳餌乍投綸於百子池頭饗宰  
雕盤旋斫鱠於九成宫外假之雷雨銀鬢颯爽以  
能飛濟以鹽梅錦鬣軒騰而欲動於是頻頌琮筍

滿瀝金觥百壺急送風前之唱蓋參差三雅橫飛  
樹底之行杯絡繹酒痕縹碧都粘學士之袍釀色  
鶯黃齊上參軍之袂漏沉虬箭尋日影之將斜風  
捲鵷班倏珮聲之欲散重申

天語倍荷

聖慈堯階忭舞永藕堆空文囿趨蹌碧蓮委地盈襟菱  
芡平拋興慶之琲珠一握葡萄徧灑平陽之銀豆  
馱裝寶馬共鵷綺以繽紛攜出銅龍滿鳳城為歡



笑九衢迎問何來方朔之桃萬戶傳觀不數河陽  
之果臣綴微班猥叨異數才慚鮑俊菖蒲薦燕鎬  
之詩文遜班香芍藥奏橫汾之曲

西苑新晴曉色開涼飈瑟瑟鳳城隈千官秋泛芙蓉舸  
七月春生琥珀杯碧甃紅墻臨鏡出金簫玉笛拂雲催  
天家殿閣清如水不信真從此地來

黛幙參差紺榭通

君王新幸日華宮四圍劍佩山光內一簇貂蟬水色中

雪瀑釀來粘綠箬錦鱗斫處映丹楓  
筵前忽訝秋花滿  
冷艷霜欺葉葉紅

繽紛綵幣滿朝班

賜出龍紋霄漢間  
乍撫霜紈冰滑笏遙擎霞綺月彎環  
絲從濯錦江頭曬衣向穿針節後頒  
為聽九門駕杵急  
官袍分給侍臣還

盡日天香染紫微  
鳳闕下拜恩暉才慚入  
雒年非少  
人到游仙遇總稀  
縹緲攜將菱芡重  
雕鞍壓得芰荷歸

天南又報饒歌競早晚彤弓勞鐵衣

羸臺

賜宴二首

徐鉉

翠輦朝臨太液池祥雲多繞萬年枝看花

詔許鵷鸞並宴賞偏承雨露私緩放蘭橈波蕩漾驕嘶  
玉勒影參差侍臣擬獻長楊賦簪筆先歌在藻詩

柳岍旌旗拂曉風輓轡聲轉近離宮鳥銜魚子衝波白  
燕颯蓮衣墜粉紅縹緲樓臺疑海上虛無簫管出雲中

釣天一醉渾如夢猶識憂勤感

帝聰

甲子元日

賜宴南書房歸

上復以肴果二席

賜及家人恭紀

朱彝尊

纔承

曲讌侍仙闈又撤瓊筵到北扉  
歲酒更番移席勸

主恩一念感心微  
比隣漏下驚窺戶  
兒女燈前笑攬衣  
閒向金坡說遺事  
全家

賜食古來稀

駕幸五臺山恭紀二首

朱彝尊

圖經曾識五臺名  
想見雲從帳殿生  
節物乍分春恰半  
登臨最好雪初晴  
林香紫鵲翻風上  
月黑金蓮照地明  
定有山靈呼

萬歲不徒龍象下方迎

花宮高下繞臺懷鐵鎖層層雁齒堦代郡雲山連朔郡  
北街星斗劃南街千夫試轉清涼石二月如燔泰岱柴  
望秩百王曾不到天教

宸藻首磨崖

恩賜

內紵恭紀

朱彝尊

上闌初日映簾屏

天語聽傳紫閣西織自珠宮加熨貼擎來黃紙驗封題

折枝花訝臨風並掉尾  
鯨看戲水齊端綺  
入春恩再洽稱詩彌  
媿在梁鵲

恩賜

御衣帽恭紀

朱彝尊

鶴紋初啟尚衣封  
藤帽朱絲自

九重日角乍辭宮  
樣穩冰紈不散

御香濃玉堂掌故傳  
他日清鏡衰顏話  
舊蹤回憶滄江  
六年事笋皮荷葉  
釣船縫

賜鮓魚恭紀

朱彝尊

京口鮓魚二尺肥黃梅小雨水平磯乍黏越網千絲結  
早見燕山一騎飛翠釜鳴薑纔

勅進玉河穿柳旋攜歸鄉園縱與長干近四月吳船販  
尚稀

上御瀛臺

賜翰林諸臣鮮藕恭紀四首

汪楫

托根靈沼自年年綠葉金房敢較先華井虛傳花十丈



瀛臺真見藕三千

是日賜藕計三千枝

擎來只似移瓊樹踏出渾

疑採玉田從此碧城添勝事肯教珠實擅芳鮮

藏密無嫌託體卑沉淪不厭出身遲濁流那得汗清節  
百折終然見素絲滿目空明秋水外一庭虛白晚涼時  
金盤玉筋誰堪比雪碗冰甌且共持

拔出泥塗伏

至尊塞芳豈必在高原紛披五色終成碧落盡繁花始  
見根青玉案邊銀浪湧水晶簾外白雲屯遙看敕使傳

呼處百道清分出

禁門

鵬鵠膏與佩刀融  
片片寒光落腕空  
共擬截肪同瑩白  
驚看切玉得玲瓏  
西池舊種千年碧  
太液初銷十里紅  
最是承

恩逢晦日只疑捧出月明中

皇清文頴卷七十六

欽定四庫全書叢要卷一萬九千四百七十八

集部

皇清文頴卷七十七

詩

七言律詩

萬壽省方詩二首

韓 炎

四載親乘繼禹謨盈廷咨訪屢吁俞白雲篇裏河渠志

起居注記  
河工甚詳

黃鵠舟中玉筍符

先是南巡  
製圖賜河臣

已導狂瀾歸

渤海還分餘潤及江湖功成不待宣房築自有黃龍洛

水圖

香街十字篆烟青祝

聖歡迎戶不局野老壺漿爭上食

所至獻萬民宴

諸生皇極誦

傳經

祝聖道場甚盛

秋毫輒禁民咸便供帳緣攀

駕少停

陛下從今千萬歲畫烏處處有旗亭

聖駕幸闕里恭紀八首

韓 炎

朝看閭闔影瞳矐

萬乘東臨御六龍不用金泥崇泰時獨來魯壁撫秦松  
宮懸疊奏聲高下壘齊親調禮肅雍今日巡遊因釋奠  
陋他雲起漢皇封

唐人封禪詩千年泰  
山頂雲起漢皇封

一代堂廉論道時

天章雲漢肅昭垂傳心直接千秋統翼聖遙尊萬世師  
德契周情兼孔思人瞻舜目與堯眉龍旂玉輅光東魯  
爭頌神明禮樂安

奎文閣下日華生承聖門前

御輦行翠蓋紅雲迎雉尾  
瑤函寶冊擁霓旌  
不愚璀璨簷前色  
絲竹鏗鏘壁後聲  
有喜

天顏剛一笑和風進講魯諸生

九成樂奏倍光昌  
犧象雲雷列兩行  
訪道肅然瞻禮器

披帷宛爾遇羹牆  
鬚眉默契存金石  
上周覽聖蹟憑几行教小影立像

行像諸石刻  
鹵簿親留重廟廊  
特留曲柄黃傘以示尊崇  
殿上

聖人躬贊拜不須太祝與齋郎

堂廡崇高瑄石漢齊太初遺石想端倪

石在詩禮堂下

杏壇櫓影

垂璿製栢葉槐枝煥

御題

承聖門內有唐槐漢栢二株

十丈豐碑青染黛一泓聖水碧無

泥

孔廟遺井上命汲水嘗之

壁書想像曾留處故宅金絲蹟未迷

聖林門外鬱崔嵬氣象崢嶸壯八垓雲木秋高敷碧草  
宮牆日麗淨蒿萊楷林亭畔閒瞻眺洙水橋西足溯洄  
起輦齊聲呼萬壽

聖人陵上

聖人來



晚出思堂步輦過愾然餘慕沛恩多祭田增後豐珠粒

詔增孔林地

十一頃

文幣頒時耀綺羅

賜衍聖公蟒服

賜額中閨旌節操節並松

筠扁額

拜官哲嗣永山河

官周公及諸賢後裔

世襲

吾

勿替

皇重道踰前典萬歲千秋澤未磨

早從洙泗証心源過魯追從永不諼東郡推恩增鳳詔

上駐蹕兗州恩綸屢沛

西山采石劖雲根

特命采石於西山郊壇

肅祀賢王禮

命皇子祭告

廟貌巍巍

聖主恩化日兩楹陳俎豆素王萬古道逾尊

戊午二月

保和殿侍宴恭紀

王鴻緒

瓊筵日午上蓬萊金殿平臨五鳳開雲近

袞龍當北繞春隨天馬自西來條風入檻先飄柳香氣  
沾衣併放梅盛世蕃王俱款塞千秋漢武漫雄才

戊午二月

保和殿侍宴

賜玉案紅棗一金盤恭紀

王鴻緒

筵開紫殿俯晴空絕塞梯航玉帛通  
花傍棠階初濯露香浮蒲萐正含風  
擎來火棗心同赤拜捧金盤日映紅  
莫羨安期嘗海外侍臣飽食未央宮

秋日早朝

王鴻緒

燎光晨起

禁城烏闥闔秋聲下碧梧  
樂奏瓊樓傳鳳吹雲開  
丹陛徹嵩呼龍媒珠勒排

天仗仙液金莖引

帝壺聞道雄藩移節鉞

宵衣頻按九邊圖

駕幸西苑觀荷

賜近臣讌恭紀四首

王鴻緒

芙蕖一片飲龍川  
此日月遊銀漢邊  
繞岸峰巒雲外出  
傍流樓殿鏡中懸  
青青田葉迎仙珮  
宛宛池香入綺筵  
何幸小臣叨侍從  
愧無詞藻奏甘泉

從官扑舞拜

殊恩紂幄傳來

帝語溫自是太和流玉陛不須天樂奏雲間尚方重整  
芙蓉宴中使還添琥珀樽幸仰  
宸襟歌在鎬願將雨露滿乾坤

已沐

君恩等賜醕却催龍舸泛芳湖薰風徐動牙樯轉曉日  
晴懸水榭孤拜捧樽壘白玉醴坐來雲浪是蓬壺臨流

還詠嘉魚什

聖澤知應水旱無

昆明重泛靄晴暉潭影巖光入紫微  
傍艦魚龍潛復見  
近人鳬雁浴還飛  
花間風起飄朱旆  
波上雲生繞御衣  
萬國雄圖同愜樂  
更看宸藻倍芳菲

乙亥六月二十六日

臣

廷敬

臣

士奇

臣

鴻緒恭

詣

暢春園謝

恩臣英臣杜訥暨內閣學士臣藻兵部督捕理事官臣

會恩翰林院侍講學士臣廷瓚臣夔右春坊右

庶子臣岳頌並

宣召同至

韻松軒

賜饌饌畢

命登舟溯山澗至

淵鑑齋觀荷列席

賜名酒時果復令內侍引至齋後遍觀嘉卉遂

命至

佩文齋恭閱

御書數百幅各

賜千葉荷花一緡恭紀六首

王鴻緒

中涓引上木蘭舟

御苑風光結伴遊兩岸柳垂青嶂密一川花泛碧泉幽



雲開似入桃源徑棹轉猶迷杜若洲應勝乘槎浮漢渚  
更瞻仙仗列蓬丘

瑤齋高瞰玉河平百頃波光似鏡明西嶺翠微連檻合  
東瀛雲氣拂簾生何須牛女留銀漢謾說風雷動石鯨  
聖主臨淵惟鑒古泠泠山水舜琴清

淵穆

宸襟契太虛翛然塵外水雲居經營靈囿勤民暇歌詠  
卷阿聽政餘案上綠沉三代物床頭黃素六朝書回翔

閬苑真何幸枚馬雄才媿不如

向陽

黼座對烟嵐座後軒亭碧樹龕滿院藤陰炎暑散一簾  
香霧午風含嘉禽雪羽來天外珍果丹葩自日南學士  
總饒花鳥興上林奇種未曾諳

機務清閒翰墨研牙籤玉軸滿瑤編蓬萊山作藏書館  
太液池為洗硯川八體縱橫參造化六文揮灑入雲烟  
因知

睿筆超神聖曾寫鸞龍九萬箋

奉閱

奎章到日斜更從浦淑挹明霞蓮房細展千重瓣水殿  
分頒五色花翠管摘來同嶽井銀門岳擎出

賜天家

聖朝異數何優渥留作瀛洲盛事誇

賦得百籟坐自吟

徐元夢

兀坐高齋晝漏沉于喁窻外發清吟千般靈籟俱堪聽

一派天機何處尋  
起滅漫馳空際想  
悠颺忽動靜中心  
老聃章句分明在  
誰識無聲是大音

賦得凝冰結重澗

徐元夢

宵來颯颯起天風  
凍結川冰頃刻中  
皓影千尋開匹練  
清光一道卧長虹  
印沙鴻爪看何在  
殷地濤聲聽已空  
下馬徘徊詩興發  
恍如身到水晶宮

己未正月二日

召聯栢梁體詩與宴

內廷蒙示

御製瑞雪近體詩恭和元韻

徐元夢

內朝扶杖入班聯新霽逾看萬象鮮

高倡正宜方白雪餘音併欲繞朱絃  
耄齡忝預

頒金管春晝欣逢敞玳筵  
颺拜總知交儼意非誇勝事  
敝陳編

朔漠蕩平恭頌四首

彭定求

睿畧宣揚致太平萬方送喜集

神京鸞旂絕塞書三捷鳳管中天奏九成禹迹弘恢謀  
獨斷

堯封廣闢德難名

微臣

遠伏滄江外慙悚無能效請纓

乾行豫動協天時瑞應祥徵

御氣隨草向沙場青處少泉從陸地湧來奇陰陰瀚海  
臨旄鉞漠漠天山集羽旗間道師征原不戰銀河洗甲  
幾曾遲

紫塞金河歎

聖朝枕戈擐甲

帝營遙飽均戰士裁

天膳寒恤將軍解

御貂穴蟻欲逃那可得鼎魚餘息故難邀降幡豎處俘

苞蘖

湯網弘開武倍昭

狼居胥頂幕烏飛百萬貔貅受

指揮豈謂嫖姚弓蚤賜便如細柳轡徐歸縱擒互用推

神策竒正交攻握秘機瞻仰

聖躬勞獨甚昇平何以報

恩暉

蒙

賜御書恭紀

胡會恩

文治光昌庶績熙萬幾清暇每臨池發揮神藻山河耀  
沾被深仁草木知元氣淋漓風格勁中鋒含蓄露華垂  
聖人書學還躋聖天縱吾



皇百世師

書家歷代漫縱橫

聖筆琳琅美莫京  
衆體咸精知法備  
毫芒無憾信天成  
萬鈞神力行間運  
百道榮光象外明  
誰向晉唐誇絕藝  
千秋琬琰獨崢嶸

淵鑒齋中淑氣新

至尊染翰對芳春  
花朝洛水流觴日  
草聖蘭亭縱筆辰  
寶幄爐香凝

睿思璇題墨妙注清神驪珠四百光華爛渥典何當逮

小臣

卷幅末

御題三十三年春

三月修禊日臨于淵鑒齋中

天馬篇垂寶字多風雲變化總駢羅文傳雄駿思唐牧  
名叶嘉祥憶漢歌鉅麗

天葩真創闢謙冲

聖德示臨摹吳興承旨何堪數滄渤能涵萬壑波

聖德神功詩六首

翁叔元

聖皇文武太平年至德如天服九埏禹貢白狼來玉帛

堯封赤壤隸山川西方遠戍雄千騎北府神兵訓十連  
每聽鼓鼙思將帥治安曾不忘戎旃

金城虵豕擾臣藩告急軍書入玉門荒服只因隣大宛  
至尊親欲救烏孫五花誰許窺神算萬國惟知感

聖恩自是

天心西顧切宵衣清問日臨軒

春寒太白壓蕭關玉帳牙旗指顧間羽檄晨馳光祿塞  
傳烽夜照伯顏山地先春草三千帳天供靈泉十二閑

司馬大書軍府上長留勝蹟在人寰

翠輦行宮召飲飛龍韜指授敢輕違雲橋青海驚橫渡  
鐵騎天山已合圍狐兔穴焚難假息牛羊日暮竟無歸  
獻俘博望齊三捷好答昇平頌德威

金茄兵氣入黃雲傳箭邊聲和馬羣趙信城前呼

萬歲李陵臺畔饗三軍風搖玉靶龍頭轉日閃雕弓豹  
尾分從此域中銷戰甲好乘春雨事耕耘

上林嘉樹翠玲瓏天騎西歸甲仗雄曉月斜臨九華帳

春風猶繫六鈞弓  
南山誰比龍城跡  
北墓還輕馬邑功  
幸際昇平何以報  
萬年稱壽未央宮

大學紀事詩四首

彭會淇

謁廟

夙昔蓬山展拜虔  
移官喜近

聖人前  
雍容導引羅衿佩  
親切趨承到几筵  
末學媿分新絳座  
儒臣榮溢舊青氈  
回思釋褐春風日  
叨被

恩光十七年

釋菜

瞳矐殿角啟朝曦月吉親師古禮存肅若

朝儀齊虎拜頒來法醞獻犧尊教先鼓篋歌鳴鹿潔薦  
溪毛賦采繁樺燭影搖羣吏散綠陰深鎖映朱垣

齋宿

初攜襜褕入西廂半榻琴書靜夜張

聖主齋宮親祝冊

小臣

清暑自焚香鈴聲到枕風吹閣

栢影橫階月轉廊隱隱晨雞繞動聽橋門劍履已成行

陪祀

春秋秩祀重雍宮庭燎光齊鹵簿同  
鴛鴦隨班先九列  
牲牢將事盡三公欣從俎豆趨承下  
得廁冠裳拜舞中  
分胙攜歸叨

聖澤也登鼎實薦宗工

駕幸瀛臺宴賚羣臣詩五首

張榕端

皇家別館屬瀛洲藻井梧飄爽氣流  
琪樹千章依  
鳳閣澄湖一帶抱

龍樓遙天嵐岫浮空翠近水芙蓉照素秋瞻望無殊蓬  
嶠勝乾坤寧復有丹丘

簪裾曉集鳳城隈魚貫登舟擊汰開彩鷁乘風排行度  
錦帆截浦蕩荷迴松林如蓋衣霓翠莎岸成茵佩映苔  
佳氣迴浮仙仗外

六龍早御九重臺

拜

恩班退入駕行綺席弘開太液旁照水繁花明劒舄含



風雜樹奏笙簧名傳尚食瓊漿飲饌出天庖異味嘗翹  
首丹霞深鎖處

九重應進萬年觴

瑤池列幕帶迴塘午宴重霑柳蔭涼果腹已叨銀縷膾  
醅顏盡覆紫霞觴暫舒笑語情方暢終秩威儀樂未央  
虎拜當筵歌既醉

隆恩早已下明光

疊添

溫綸擬飲醇泰交盛事洽臣隣幾年載筆逢瀛署此日  
乘槎牛斗津已見戈鋌清戍壘還看禮樂慶昌辰莫言  
近御偏承寵佇沛

恩波四海均

暢春園引

見恭紀

張廷瓚

西山蒼翠護

宸居簪佩趨承到

玉除地接平疇觀稼穡窻迎深綠擁圖書柳絲細織春  
烟外鶯嚶初調晝漏餘身入

上林深閤境揮毫獻賦媿相如

太液池

張廷瓚

御苑清流啟巨川沿隄樹色遠含煙曉風細織水綃薄  
夜月晴浮玉鏡圓菱葉平分雙槳出藕花低覆白鷗眠  
移家太液池頭住得沐

恩波十五年

召試

豐澤園紀

恩四首

張廷瓚

曉日瞳矓啟建章

六龍迎處錦成行  
鏘鏘劍珮羅丹闕  
渺渺煙波渡綵航  
黃鳥啼殘新柳岸  
輕鷗浮過白蘋鄉  
行來蘿薜清陰徑  
三夏炎曦漸欲忘

十畝桑陰覆竹門  
離離嘉穎繞華軒  
誰知紫闥宜春苑

別有青疇布穀村  
蠶室絲紛冰縷色  
稻畦風捲碧波痕  
聖人無逸崇民事  
羅列幽風在禁園

澄澈池開一鏡圓  
流紋如縠到階前  
千竿修竹森蒼玉  
幾點新荷貼翠鈿  
蝶翅幽花紅雨潤  
蟬聲高柳綠雲偏  
長廊邃館無雕飾  
風景清芬本自然

列坐濡毫滿禁林

御題舍義總淵深  
薪傳真偽敦儒術  
農事艱難軫

聖心尚膳榮頌文  
陞側

天漿香散百花陰

皇仁樂育真無極拜獻徒慙瓦缶音

聖駕南巡詩六首

張廷瓚

青陽吹律入春遲

聖主東巡正此時  
事重省方符舜典  
制導時邁叶周詩  
層霄早看勾陳轉  
薄海欣逢化雨滋  
夾道肩摩齊下拜  
天顏豈獨近臣知

仙樂遙聞落九天

金輿來自五雲邊  
春回芳草園  
行幄風送微波  
放畫船  
一路鶯聲花外出  
五湖旌影鏡中懸  
不教警蹕先除道  
童穉還依

鳳輦前

黃河春浪拍天浮  
伊闕龍門控上頭  
千里鯨波歸大海  
萬方玉粒達神州  
隄防紛獻盈廷議  
疏鑿深煩  
聖主憂不似漢皇  
誇盛事  
宣房瓠子盡安流

禹陵迢遞越山中

龍袞親臨祀典崇此日黃流勞

駐蹕當年洛水荷成功天香細結丹楹霧仙仗清含翠  
栢風千載空山巡幸少一時丘壑盡春融

和風甘雨應時看儉德深宮減大官比戶人知歌樂利  
天心猶自憫艱難祖蠲喜溢蒼生望

詔下聲騰萬姓歡作息總忘辛苦意

君恩常在野人餐

六師輕束羽林裝天上旌旗掣電光父老遮留還暫住



壺漿爭獻亦親嘗

九重駕出梅初綠三月

鑾回柳乍黃端拱山龍溫室裏昇平佳氣照嚴廊

西苑

御試恭紀

聖恩詩二首

曹鑑倫

薰風太液自逶迤重見仙裳第四枝文鵠真從天上坐  
絳筵遙向鏡中窺明憲但覺雲霞潤高棟無勞彩繡施

仰企

帝心崇儉德堯階物色帶茅茨

上林筆札幾回頒委珮趨承侍從間寶饌遙分鸚鵡粒  
金爐添熟鷓鴣斑身偕彩鳳巢阿閣

恩重靈鰲戴巨山拜手屏營思砥礪叨聞

宸訓訂愚頑

聖武北征大功告成詩六首

曹鑑倫

豹尾雞翹出玉京涼州大閱振威聲半天鼓動河流却

萬竈軍歡屋瓦驚鵙鷄堡前朱旆繞鴛鴦泊上綵雲橫  
太平

天子真神武止殺還須用五兵

風雷隱隱護周廬五綵龍文擁

帝車泉出旌門珠瀑卷草迎

行殿綠雲舒九盤夜渡黃河水三略朝提玉帳書漢將  
莫誇臨瀚海

聖人親已到狼胥

聖武臨戎賊膽寒威驚鷲鳥避旌竿樓蘭西去關門迫  
姑衍南來地軸寬朝發尺書降贊普暮馳單使服呼韓  
番戎頓顙軍麾下盡荷生成載道歡  
櫓槍既掃沛

皇仁羣醜投戈盡束身湯網恩深三面解軒臺威聳百  
蠻馴蕃歌人踏闕前月繞曲風傳塞上春直畫青丘為  
北戶不須戒鼓節金罍

鑾輿三駕建霓旌總為蒼生致太平款塞已看來萬國

受降何用築三城  
晨迴雁磧雲迎馬  
夜度龍沙雨洗兵  
從此殊方歸化域  
年年爭路貢瑤京

鷺鼓前驅振旅還  
告功

祖廟渙恩頒千羣  
龍馬來西極  
萬里天山鑱北關  
播穀縑絲農事競  
擊轅鼓腹野人閒  
普天齊享昇平樂  
炳耀神功史冊間

聖武北征蕩平詩四首

李孚青

黃麾繡蓋出天家  
仙毫春風引

翠華切玉昆刀裝玳瑁連錢金鎧護桃花月明嚴壁傳  
刁斗雲臺高壇擁纛牙

盛事軍容千氣象先聲早晚到龍沙  
殊方神異啟威靈天為

王師掃朔庭列竈泉供花乳白連營莎接柳牙青椎牛  
享士傳餐遍駐馬勞軍按部聽虎旅銜

恩爭淬劍欲屠鯨鯢靖滄溟

鐃歌千匝氣鷹揚

聖慮猶勞設重防  
漆甲已開銅柱路  
繡旂重拂玉門霜  
何難兵氣銷金虎  
尚賜天書赦白狼  
收盡銜刀諸黨部  
皋蘭直北列降王

百萬明光耀羽林  
風傳畫角陣雲深  
牽羊豈解彌天罪  
飲鴆猶非戰士心  
命合燃臍膏白草  
賞懸函首賜黃金  
黑山青海歌堯日  
照徹龍荒大漠陰

聖駕南巡恭紀二首

李孚青

頻籌疏瀹每軒臨

特詔頒來內府金萬里安瀾知

帝力九川底績見天心功同星宿源俱遠恩比滄溟水  
更深不用秋風歌瓠子

六龍到處起謳吟

自有祥風送鷁鳬挽牽豈必待烝徒安流不覺周千里  
厚賚偏教及萬夫仗引歡聲盈道路棹傳謳詠滿江湖  
從今煙雨垂楊岸童叟年年望舳艫

出郭望西山


彭寧求



終年挾策事吟哦偶向城西側帽過漠漠晚烟橫石磴  
泠泠朝梵出雲蘿千尋碧嶂棲真近百轉清溪入夢多  
帝里自饒林壑勝幾人蠟屐到巖阿



皇清文穎卷七十七



總校官庶吉士臣張能照

校對官檢討臣郭寅

謄錄監生臣藍嘉瑄

欽定四庫全書薈要

集部

皇清文穎卷七十八

詳校官候選知縣臣吳甸華



欽定四庫全書蒼齋要卷一萬九千四百七十九

集部

皇清文頴卷七十八

詩

東三言律詩

聖駕北征凱旋詩四首

史夔

鉤陳肅肅護黃麾  
電轉雲屯百萬師  
決策廟堂抒獨見  
運籌樽俎破羣疑  
青郊選士春蒐練  
紫殿論兵旰食遲  
親總六軍深意在  
機宜不遣外廷知

雲罕霜旌照沈寥萬靈呵護百神朝  
春泉脉動波橫溢朔雪花輕凍漸消  
為帶餘寒弓力勁緣滋嫩草馬蹄驕  
藩維部落歡呼拜

聖武敷天自布昭

天兵耀日震邊陲雷動星陳絕幕時  
王會羣侯環赤帟軍容千里閃朱旗  
霜笳雲火連亭戍金柝銅刁匝殿帷  
武節焜煌師律整祕圖誰測八門奇

諸道分兵本

廟謨妖星一箭落邊隅逆天豈得逃寬網背德終當受  
顯誅地極空桐迴北斗日臨窮髮似東隅鞭梢一拂三  
千里盡仰神威曠代無

賦得雲裏帝城雙鳳闕

史夔

金掌銅樓直望遥鈎陳肅穆萬靈朝千門碧瓦排銀漢  
八表華星拂綺寮松棟煙霏衡岳柱芝楣霞繞赤城標  
侍臣日在紅雲裏不覺衣裾染絳綃

賦得雨中春樹萬人家

史夔

罨畫層嵐匝遠岑，黛雲繚繞子城陰。  
短桃巷陌紅猶濕，新柳亭臺綠已深。  
屋角墻頭流靄靄，橋南溪北漲涔涔。  
煙蓑雨笠春郊路，桑柘千村父老心。

南巡

賜第恭紀

聖恩詩二首

孫岳頌

頻年賃廡嘆蹉跎，忽向人間上大羅。  
閑閱敢期容駟馬，門庭應許接鳴珂。  
久耽樸素除丹腹，仰荷榮光到薜蘿。

廣廈庇來歡自足  
幘幪世世感恩波

自昔徒聞甲第榮承

恩今日倍崢嶸  
頻施雨露庭階潤  
絕遠塵囂耳目清  
近侍風驅傳

帝命微臣雀躍感

皇情有懷報稱慚  
無地惟願端居詠  
太平

奉

命赴



暢春園寫扇蒙

恩特賜筆墨恭紀四首

孫岳頌

別館深居西郭遙水迴山抱建霞標卿雲偏擁林巒秀  
佳氣中含景物饒避暑暫違

青瑣闥封章仍奏

紫宸朝承

恩宣召趨蹌急何意層層歷絳霄

鳳舞龍飛仰

御書臨池真媿奉

宸輿扇分斑竹千竿秀畫展湘江八景餘放眼山林神  
淡遠寄情花鳥筆蕭疎恭題祇覺難相副珍重應憐腕  
未舒

文物遙傳映日華捧持給

賜出

皇家松烟紋簇雙龍脊鏤管毫生五色花豈有法書邀  
鑒賞敢當

天語重褒嘉拜

恩彌覺滋慙汗優禮儒臣洵莫加

誰云烏玉久如新謾說蒙恬造自秦詎似龍香調御墨  
寧同翠羽飾湘筠會磨端石承零露好寫藤箋絕點塵  
從此茅齋增氣象祥光隱隱麗三辰

神武北平詩八首

陳元龍

祥開寶厯應璇樞翕闢

神功煥

帝圖九譯環裘歸正朔雨階千羽叶元符久知薄海  
恩皆渥豈有殊荒教未孚天末一星餘畢昴重煩玉弩  
振威弧

借箸盈庭總未工天開祕略自

宸衷青丘丹浦書空紀洛水徐方事不同七萃有聲知  
禁旅五雲無際是

行宮莫言萬里流沙遠只在

皇網咫尺中

陣雲不散結黃埃，箭落驚看候騎迴。  
十萬蛇鱗新浴日，三千鼉鼓競鳴雷。  
峯盤束馬從天降，路轉懸車鑿空來。  
設險早從三覆在，前軍已掃白雲堆。  
雨雪遙歸又出車，依依楊柳映

鑾輿。王庭坐待三犁後，別部爭收七縱餘。  
宛轉黑河人渡急，崔嵬陰嶺馬行徐。

聖朝不是勤雄略，只為蒼生鮮定居。

忽報軍書夜刺聞，朱旗已過五庭西。  
指揮俄見旄頭落。

談笑翻驚太白低礪盡戈矛人共怒蹋平關塞馬猶嘶  
拂雲祠下年年酒從此秋高罷鼓鼙

振旅狼山度翠璫龍舟天外溯河源大荒自古無人渡  
斷岸從今有棹痕斗象南看皆奉朔流沙西去亦稱蕃  
穹廬悚息同編戶不用黃雲塞上屯

閒盡墩臺見月輪賀蘭山外斷驚塵邊關不唱從軍曲  
蕃長新為守土臣聲教已看周地軸威靈直欲逼天垠  
從來異域書難信今日輿圖遠更真

倒傾銀漢洗天兵更覺乾坤氣象明不用披圖橫玉斧  
盡收絕塞作金城山川一氣歸仁壽雲物千年紀太平  
陬澁有知齊擊壤好將歌頌佐咸英

南巡扈從恭紀五首

陳元龍

康熙二十八年正月初八日

駕由南苑行園出南紅門

城南撫撫是周原路轉橋通入苑門  
旆擁三辰環日馭營分五校列雲屯  
馬馳朱汗園初合免帶青莖草乍翻

日暮瞭鷹臺下過香塵匝地不聞諠

十三日立春

駕駐德州

斗柄初隨玉輅東春神捧日曉瞳矐條風乍拂朱旗上  
瑞靄先回翠幄中衛水冰消微隱綠平原草暖暗生紅  
豫遊到處

恩膏沛歡洽青疇樂未窮

十四日



駕駐平原縣七里鋪

特發諭旨蠲免東省明年正賦

青齊又見度金輿省俗重煩問里閭共覩民風安作息  
還傳

天語沛蠲除推恩寧待迴

鑾日草詔頻催下馬餘聞

命濡毫先拜舞從今汗簡不勝書

十六日

駕幸濟南巡撫署內觀珍珠泉

命扈從諸臣各書匾額諸臣仰請

御書留題以光名泉

上親灑宸翰書作霖二大字

鵲峯晴雪映龍旌

六馭飛臨歷下城紫氣乍從珠溜轉青陽初向碧潭生  
虛能鑒物迴

天眷清可澄懷悅

睿情一自亭邊排綠仗靈湫千古被榮名

二月初二夜泊錫山

碧山如畫是梁溪綵幔華燈處處齊  
百和香風隨柁轉千條銀燭隔林迷  
霏烟徹夜圍黃幄微雨明朝展綠萸  
不是江南晴日少隨

鑿膏澤沛春畦

南巡聖德詩

有序

陳元龍

欽惟我

皇上御極三十有八年膏澤殷流德風遐暢文思光被  
武烈昭宣五典慎而百度貞七政齊而九功叙懷  
生含氣均被太和喙息跂行並霑汪濊聲教暨訖  
罔不率俾回面受吏者越漠而踰沙執贄貢琛者  
棧山而航海比歲肅清甌脫迅掃欃槍剗壁壘於  
遐荒熄烽烟於邊徼關山萬里長無橫草之驚區  
夏億年永絕鳴虓之擾中外禔福神人洽和惟是  
淮揚諸郡漕輓攸關歲委金錢時聞衝決用疏用

塞徒陳賈讓之言治委治源莫定桓譚之議

俯允臣僚之陳請

親御玉輅以巡行更以吳會清嘉東南與壤兼行補助  
加意撫綏河嶽懷柔百神從令惇嫠歌舞萬姓慕  
恩而我

皇上治功久洽於寰區孝德彌隆於宮寢慮省方之將  
出或視膳之久虛海晏河清喜奉

慈闈而養志遂吟野忭敬扶

寶幄以觀風維時惠風條暢淑景舒遲妍卉敷榮新萼  
挺秀桑鳴戴勝正虞書觀岳之辰水涌桃花值禹  
槩濬川之日言從淮右屆乎平江乃自浙西歷於  
建業所至條狼之士弗唱辟除戴鵲之倫罷傳警  
蹕炷香夾道設綵連衢士女頒斌連櫬而瞻豹尾  
髦倪雜還企踵而仰

龍顏正屬三春恭逢

萬壽卿雲翔而捧日神光起而燭天里溢絃歌塗交酒

醴我

皇上布天澤宣綽音法網解而囹圄空田賦蠲而閭閻  
阜闕征鹽筴並沐

恩波耆老秀民咸霑

湛露弘多士登進之額開長吏自新之門民事艱難無  
微不照田間淪棄有美必收

王言如絲下應如草農蠶賓旅泛習習之凱風吳越青  
齊被祁祁之甘雨三辰合慶九宇同歡惟我

皇上體休戚於窮檐通寒暑於

丹禁夙興宵寐念切痼瘼立政用人計安黎庶

俯臨淮海親辨疏濬之宜細察黃流指示決排之策

神謨廣運

厚澤沾濡夏長春生顯仁藏用瞻依愛戴者真如赤子  
之慕庭闈蹈舞謳歌者幾忘

至尊之臨愚賤自唐虞而降未覩此風即開闢以還罕

聞其盛臣西清末品東觀庸才幸叨侍從之班親



觀

時巡之典擬濡毫而作賦莫能名

聖人之仁願搦管以攄詞詎足揚

天子之孝欣逢盛事聊效衢歌謹撰七言近體拜手以

獻

興朝孝治被寰瀛此日巡方盛事并長樂宮開移畫扇  
金根車動出層城綠波晴泛牙樯遠香符風迴鳳鷁輕  
養志怡顏隆

聖母神厨應見菱蒲生

其一

黃流勢與運渠連衝決常糜太府錢禹禰昔曾行水土  
舜瞳今復閱山川源流一覽

宸謨定修築隨宜

睿算全從此河宗長效順千檣漕舸往來便

其二

平江一水即吳趨風會清嘉實與區文物總由陶鑄盛  
桑麻憑仗雨暘扶十年心憶

鑒旂幸三度恩邀

法駕紆虎士前驅除警蹕萬民齊仰

睿容愉

其三

雞翹豹尾泛安流周覽郊原庶彙稠宮扇影搖桑日麗  
天衣寒上麥風柔祇循繡陌移青雀不許雕鞍破綠疇  
自是

聖心憐稼穡扶犁野老拜

龍旂

其四

北溟南極壽無疆閭闔

行宮淑氣翔五色日懸天上瑞萬年人進

御前觴斑文錦綴交衢幕鵲尾爐焚夾道香民力從來

勞軫恤不教父老費壺漿

其五

未作辛勤亦可憐

皇心軫惜次農田闕門澤逮輕輶算鹽筴恩流減籍錢

商舶賈帆羈滯少水郵山驛踏歌連紅亭鼓吹誼闡處

甲煎香濃結紫烟

其六

勾陳容衛曉駸駸比戶歡傳

法駕臨檻外綠波蕤褰秀馬前香錦菜畦深野人滿飽  
天厨味耆叟歸攜

太府金更許蕃民還舊國佇聽八極徧謳吟

其七

沃野春深景物滋

省方到處念農時杏花菖葉留

宸矚桑扈耕犁入

睿詞筆灑龍鸞騰墨海韻鏘金玉煥文思寸陰還惜船

寬暇風度牙籤桂棹移

其八

辛丑元日紀事二首

有序

陳元龍

康熙辛丑恭遇

皇上六十年寶祚初周早朝慶賀禮畢偕相國馬齊松  
柱蕭永藻太倉王揆華亭王頊齡及遂寧張鵬翮  
大司農陽城田從典大宗伯貝和諾德清蔡升元  
大司馬孫柱大司寇賴都韓城張廷樞總憲黨阿  
賴十四人詣

乾清門獻壽時華亭年已八十松蕭太倉三相國遂寧

陽城皆年七十以上馬相國貝宗伯孫司馬賴司  
寇黨總憲及元龍年皆七十蔡宗伯年六十九張  
司寇年六十八真一時之盛退朝漫賦以紀其事  
軒紀初周六十春華簪白髮對丹宸太平

天子真仁壽矍鑠臣工仗

聖神竊祿幸逢全盛日趨朝相慶古稀人耆英不向林  
泉老大位高年笑致身

未許懸車又退朝雍雍金紫髮蕭蕭駕班首列皆黃耆

虎拜歡聲在絳霄近沐陽和天上坐不知歲月暗中銷  
返寒未解遲春信徙倚閒庭望斗杓

南書房侍直蒙

恩引至西煖閣俯垂清問

命題賦詩作字恭紀二首

徐元正

十載含香傍鳳池承

恩常得上

彤墀班聯左史頻簪筆



召對深宮命賦詩  
衣露未消聞畫漏  
玉琴在御引涼颼

是日詩題衣小臣  
露淨琴張

何幸陪前席  
願竭葵衷報

主知

鬱蔥佳氣滿

皇宮寶篆凝香裊  
碧空委佩時看瑤草綠  
杼丹還映石榴紅  
揮毫悚切雲霄近  
授簡慚非鄒馬工  
却羨流鶯飛禁樹  
數聲睨眄向薰風

咏院中古槐

劉坤

扶疎修幹拂雲長振葉搖風得午涼樹綠最宜深院好  
花黃猶似昔年忙新開兔目當寒食久結龍鱗照上陽  
不用子山新賦作良材端是際時昌

皇帝聖德神功親征蕩平詩四首

查嗣韓

赤羽遙翻豹尾紅

至尊親出總元戎  
琯戈電閃蒼龍近  
玉勒風飈華蓋雄  
盡闢山川開

輦道共依雲日就

行宮誰知

天子麾黃鉞甘苦先偕士卒同

邊城百道走軍符上將紛來聽

廟謨三覆掩時藏玉弩八門啓處伏金弧地中雷鼓師  
無敵天上旌旗戰有俘縱悔厥心何太晚噬臍今已累  
妻孥

輜重漫山委道旁六軍傳箭射天狼宣威瀚海鯨鯢觀  
耀德中天日月光塞北風雲開正朔幕南版籍盡要荒

休從事後驚神武幾度招攜自陸梁

簫箏爭共凱歌陳況值班師飲至辰斗昔回南今更北  
朔原無燠近逢春烽烟不動沙如鏡候火空懸月似銀  
已注東瀛消一燭普天何處不來臣

院中讀書二首

湯右曾

槐廳鈴索靜無喧金鑰傳來啓掖門五粒曉松寒夾路  
三眠晴柳綠當軒披華振秀繡官庫清墨研丹盡  
主恩回憶十年吟誦處青氍何似紫花墩

文憲窈窕見觚稜閣在西清第幾層金鳳印成題詔紙  
玉蟲綴滿讀書燈坐深香篆縈衣過賦罷雕闌任意凭  
敢道近蒙稽古力文章報

國苦無能

來青軒伏覩

御書恭紀三首

湯右曾

丹梯翠磴引躋攀忽到天開地闢間別有樓臺連碧落  
盡消烟霧出青山光涵象外千重影氣結空中五色斑

奕鳥華軒懸

御扁墨痕鮮潤似初頒

千峯入檻勢全卑裂帛流成洗研池法自古傳才獨縱  
筆經天授格尤奇赤文科斗開義畫綠樹猿猱識禹碑  
萬丈光芒三尺字扶桑迥出最高枝

嵐浮樹豁鬱蒼蒼佳氣凭欄滿

帝鄉紅日曉生天一角銀河秋掛殿中央詞臣憶載隨  
游筆老衲曾披

御賜香豈獨名山留

睿藻乾坤萬古資奎章

蒙

御賜書澹遠堂三大字恭紀二首

查昇

春殿融和淑晷長  
欣瞻玉管灑

天章九霄翰藻輝  
三曜八法精嚴邁  
百王拜領中宵騰  
寶氣歸傳奕世沐

恩光錦函珍重節  
堂上盥手先焚百和香

躍龍臥虎仰

神明造化從心體勢成澹泊益期堅素節服勤永遠切

丹誠庭幃曾取當時義

澹遠二字係先臣所命且訓臣曰能澹泊則能久遠臣謹識之

不敢忘

黼座容伸此日情未得捧歸蓬徑裏願鏤心版勵瓊瑩  
聖駕南巡詩六首

姚士藟

天仗勾陳出玉墀巡方春日正遲遲陽和遍野冰先解  
淑氣迎舟柳自垂西北櫓槍親掃後東南膏澤普存時



追踪古帝浮河洛刻玉披圖受瑞宜

聖母彤闌護草榮承顏遊豫見昇平龍舟愛日相依發  
鳳舸春風自在行視膳江鱗調玉饌嘗新岸筍進香羹  
仁慈錫類民歸厚芹菜壺漿夾道迎

天上黃河九曲行千年早為

聖人清負薪難禦桃花漲投壁空聞瓠子成世際帝堯  
憂洛水功高神禹拯蒼生循堤相度商䟽鑿早慶安瀾  
宅土平

土膏初動事耕耘布穀催春處處聞  
新灑綠簑原上雨  
遍驅黃犢隴頭雲  
扈

鑾軍不驚黎庶饑餉人爭覩

聖君無逸豳風時講誦更勞親省念農勤

半壁東南注

聖心為詢民隱

駕遙臨無煩供億絲毫力轉與蠲除百萬金  
吏不到村  
雞犬靜人多在野黍苗深長教婦子盈寧樂擊壤康衢

鼓腹吟

東封南幸幾經年父老歡迎

御舸前江樹重沾新雨露墨花長鎮舊山川閭閻揖讓  
風逾厚比戶詩書澤久傳四海九州瞻望切

巡行吳越荷恩偏

皇清文穎卷七十八